

**«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ**  
**29 հունիսի 2018 թվականի**

**«Ուսանողության և աշխատողների ամառային հանգստի  
կազմակերպման աշխատանքների ընթացքը Դիլիջանի  
«Տնտեսագետ» մարզաառողջարանում» հարցի մասին**

Լսելով և քննարկելով «Ուսանողության և աշխատողների ամառային հանգստի կազմակերպման աշխատանքների ընթացքը Դիլիջանի «Տնտեսագետ» մարզաառողջարանում» հարցը (զեկուցող՝ ուսանողների և շրջանավարտների հետ աշխատանքների գծով պրոռեկտոր, տնտեսագիտության թեկնածու, դոցենտ Ս.Խաչատրյան)՝ գիտական խորհուրդն արձանագրում է մարզաառողջարանում կատարվել են որոշակի վերանորոգման, վերականգնողական և բարեկարգման աշխատանքներ: Ձեռք են բերվել անհրաժեշտ հիգիենայի պարագաներ, ընթացիկ նորոգման են ենթարկվել մի քանի սենյակներ, բարեկարգվել է մարզաառողջարանի արտաքին լուսավորությունը, կարգի են բերվել լողասենյակների հատվածները, հիմնովին վերանորոգվել են որոշ ջրագծեր և կոյուղագծեր: Մշակվել են մարզական և մշակութային, ինչպես նաև զբոսաշրջային արշավներ կազմակերպելու ծրագրեր: Մարզաառողջարանը լիովին պատրաստ է հանգստացողներին ընդունելու համար: Ուղեգրերը վաճառվում են:

Ելնելով վերոնշյալից՝ գիտական խորհուրդը

**ՈՐՈՇՈՒՄ Է**

1. Ուսանողների և շրջանավարտների հետ աշխատանքների գծով պրոռեկտոր Ս.Խաչատրյանին՝
  - 1) մարզաառողջարանի գործունեության ամբողջ ընթացքում պատշաճ հսկողություն սահմանել իրականացվող աշխատանքների կատարման նկատմամբ.
  - 2) անվճար ուղեգրերի հավակնորդների ընտրության համար ստեղծել հանձնաժողով և առանձին շահառուների միջև տեղերը տեղաբաշխել հետևյալ կերպ՝

- պրոֆեսորադասախոսական կազմին՝ 10 (տասը) ուղեգիր,
- ուսումնաօժանդակ և վարչական կազմին՝ 10 (տասը) ուղեգիր,
- Արցախի պետական համալսարանի ուսանողներին՝ 20 (քսան) ուղեգիր (յուրաքանչյուր հերթավոխում՝ 5 (հինգ) ուղեգիր),
- հասարական ակտիվություն ցուցաբերած, բարձր առաջադիմություն ունեցող ուսանողներին՝ 25 (քսան) ուղեգիր,
- սոցիալապես անապահով և կարիքավոր ուսանողներին՝ 25 (քսանհինգ) ուղեգիր,
- գերազանց և բարձր առաջադիմություն ունեցող ուսանողներին՝ 10 (տասը) ուղեգիր,
- ֆինանսատնտեսագիտական քոլեջի ուսանողներին՝ 10 (տասը) ուղեգիր:

2. Մարզաառողջարանի պետ Հ.Կյոկչյանին և պարետ Մ.Ալիխանյանին՝ հետևել մարզաառողջարանի ներքին կարգուկանոնին, ապահովել բնականոն համակեցության պայմաններ, կազմակերպել մարզական և մշակութային միջոցառումներ ու զբոսաշրջային արշավներ՝ մշակված պլան-գրաֆիկներին համապատասխան:
3. Հաշվապահական հաշվառման բաժնի պետ Է.Ադամյանին՝ հետևել ճամբարի ֆինանսական գործունեությանը և անհրաժեշտ օգնություն ցուցաբերել մարզաառողջարանի ղեկավարությանը:
4. Սույն որոշման կատարման նկատմամբ հսկողությունը վերապահել ուսանողների և շրջանավարտների հետ աշխատանքների գծով պրոռեկտոր Ս.Խաչատրյանին:

**Գիտական խորհրդի նախագահ՝**

2018 թ. Հունիսի 29  
Երևան

  **Կ. Լ. Աթոյան**